

Y Pwyllgor Materion Cyfansoddiadol a Deddfwriaethol

Lleoliad:
Ystafell Bwyllgora 3 – Senedd

Dyddiad:
Dydd Llun, 15 Mehefin 2015

Amser:
14.00

Cynulliad
Cenedlaethol
Cymru

National
Assembly for
Wales



I gael rhagor o wybodaeth, cysylltwch a:

Gareth Williams

Clerc y Pwyllgor

0300 200 6565

SeneddMCD@Cynulliad.Cymru

Agenda

1 Cyflwyniad, ymddiheuriadau, dirprwyon a datganiadau o fuddiant

2 Offerynnau nad ydynt yn cynnwys unrhyw faterion i'w codi o dan Reol Sefydlog 21.2 neu 21.3

(Tudalen 1)

CLA(4)-16-15 – Papur 1 – Offerynnau statudol sydd ag adroddiadau clir

Offerynnau'r Penderfyniad Negyddol

CLA540 – Gorchymyn Tai (Hawl i Brynu a Hawl i Gaffael) (Terfynau'r Disgownt) (Diwygio) (Cymru) 2015

Fe'i gwnaed ar: 1 Mehefin 2015; Fe'i gosodwyd ar: 4 Mehefin 2015; Yn dod i rym ar: 14 Gorffennaf 2015.

Offerynnau'r Weithdrefn Penderfyniad Cadarnhaol

CLA539 – Rheoliadau Cynllunio Gwlad a Thref (Ffioedd am Geisiadau, Ceisiadau Tybiedig ac Ymweliadau Safle) (Cymru) 2015

Y weithdrefn gadarnhaol; Fe'u gwnaed ar: dyddiad heb ei nodi; Fe'u gosodwyd ar: 3 Mehefin 2015; Yn dod i rym ar: Heb ei nodi

3 Adroddiad Monitro Sybsidiaredd mis Ionawr i fis Mai 2015 (Tudalennau 2 – 7)

CLA(4)–16–15 – Papur 2 – Adroddiad Monitro Sybsidiaredd mis Ionawr i fis Mai 2015

4 Papurau i'w nodi

Gohebiaeth gan y Comisiwn Etholiadol, Bil Refferendwm yr UE (Tudalennau 8 – 10)
CLA (4) –16–15 – Papur 3 – Gohebiaeth gan y Comisiwn Etholiadol, Bil Refferendwm yr UE

5 Cynnig o dan Reol Sefydlog 17.42 i benderfynu gwahardd y cyhoedd o'r cyfarfod ar gyfer y canlynol:

(vi) lle mae'r Pwyllgor yn cyd-drafod cynnwys, casgliadau neu argymhellion adroddiad y mae'n bwriadu ei gyhoeddi; neu'n ymbaratoi i gael tystiolaeth gan unrhyw berson.

Deddfu yn y Pedwerydd Cynulliad (Tudalennau 11 – 109)
Panel Arbenigol: Trafod yr Adroddiad Drafft Papur 4

Y Pwyllgor Materion Cyfansoddiadol a Deddfwriaethol Offerynnau Statudol Gydag Adroddiadau Clir

CLA539 – Rheoliadau Cynllunio Gwlad a Thref (Ffioedd am Geisiadau, Ceisiadau Tybiedig ac Ymweliadau Safle) (Cymru) 2015

Gweithdrefn: Cadarnhaol

Mae'r Rheoliadau hyn yn cydgrynhoi, gyda newidiadau, ddarpariaethau Rheoliadau Cynllunio Gwlad a Thref (Ffioedd am Geisiadau a Cheisiadau Tybiedig) 1989 ("Rheoliadau 1989") i'r graddau y maent yn gymwys yng Nghymru, a Rheoliadau Cynllunio Gwlad a Thref (Ffioedd am Newidiadau Ansylweddol) (Cymru) 2014 ("Rheoliadau 2014").

CLA540 – Gorchymyn Tai (Hawl i Brynu a Hawl i Gaffael) (Terfynau'r Disgownt) (Diwygio) (Cymru) 2015

Gweithdrefn: negyddol

Mae'r Gorchymyn hwn yn diwygio cyfraddau presennol uchafsymiau'r disgownt sydd ar gael mewn perthynas ag arfer yr hawl i brynu o dan Ran 5 o Ddeddf Tai 1985 ("Deddf 1985") a'r hawl i gaffael o dan adran 16 o Ddeddf Tai 1996 ("Deddf 1996").

Eitem 3

Y Gwasanaeth Ymchwil | Research Service

Adroddiad monitro sybsidiaredd Ionawr i Fai 2015

Y Pwyllgor Materion Cyfansoddiadol a Deddfwriaethol | Mehefin 15, 2015
Constitutional and Legislative Affairs Committee | 15 June 2015

Papur briffio gan y Gwasanaeth Ymchwil

Tabl Cynnwys

1.	Cyflwyniad	2
2.	Y broses fonitro	3
3.	Trosolwg o gynigion drafft yr UE a dderbyniwyd (Ionawr i Fai 2015)	4
3.1	Cynigion deddfwriaethol yr UE nad oeddent yn codi unrhyw bryderon sybsidiaredd	6

1. Cyflwyniad

O dan Reol Sefydlog 21, caiff 'pwyllgor cyfrifol' yn y Cynulliad (ar hyn o bryd, y Pwyllgor Materion Cyfansoddiadol a Deddfwriaethol) ystyried deddfwriaeth ddrafft yr Undeb Ewropeaidd (UE) sy'n ymwneud â materion o fewn cymhwysedd deddfwriaethol y Cynulliad neu sy'n ymwneud â swyddogaethau Gweinidogion Cymru a'r Cwnsler Cyffredinol, a hynny er mwyn ystyried a yw'n cydymffurfio ag egwyddor sybsidiaredd.

Mae egwyddor sybsidiaredd wedi'i hymgorffori yn Erthygl 5 o Gytuniad yr Undeb Ewropeaidd.

1. The limits of Union competences are governed by the principle of conferral. The use of Union competences is governed by the principles of subsidiarity and proportionality.

2. Under the principle of conferral, the Union shall act only within the limits of the competences conferred upon it by the Member States in the Treaties to attain the objectives set out therein. Competences not conferred upon the Union in the Treaties remain with the Member States.

3. Under the principle of subsidiarity, in areas which do not fall within its exclusive competence, the Union shall act only if and in so far as the objectives of the proposed action cannot be sufficiently achieved by the Member States, either at central level or at regional and local level, but can rather, by reason of the scale or effects of the proposed action, be better achieved at Union level.

The institutions of the Union shall apply the principle of subsidiarity as laid down in the Protocol on the application of the principles of subsidiarity and proportionality. National Parliaments ensure compliance with the principle of subsidiarity in accordance with the procedure set out in that Protocol.

4. Under the principle of proportionality, the content and form of Union action shall not exceed what is necessary to achieve the objectives of the Treaties.

The institutions of the Union shall apply the principle of proportionality as laid down in the Protocol on the application of the principles of subsidiarity and proportionality.

Yn ogystal, llywodraethir y dull o gymhwyso'r egwyddor hon gan y Protocol ar Gymhwyso Egwyddorion Sybsidiaredd a Chymesuredd. Mae'r rhan sy'n berthnasol at ddibenion gwaith y Cynulliad wedi'i chynnwys ym mharagraff cyntaf Erthygl 6:

Any national Parliament or any chamber of a national Parliament may, within eight weeks from the date of transmission of a draft legislative act, in the official languages of the Union, send to the Presidents of the European Parliament, the Council and the Commission a reasoned opinion stating why it considers that the draft in question does not comply with the principle of subsidiarity. It will be for each national Parliament or

each chamber of a national Parliament to consult, where appropriate, regional parliaments with legislative powers.

2. Y broses fonitro

Er mwyn sicrhau bod y Pwyllgor Materion Cyfansoddiadol a Deddfwriaethol yn cyflawni ei swyddogaeth monitro sybsidiaredd yn effeithiol, fel y nodir yn y Rheolau Sefydlog, mae swyddogion y Cynulliad yn monitro holl gynigion deddfwriaethol drafft yr UE sy'n ymwneud â Chymru yn systematig er mwyn gweld a ydynt yn codi pryderon sybsidiaredd. Amlinellir y modd y mae swyddogion y Cynulliad yn monitro'r cynigion hyn isod:

- Yn gyntaf, rhoddir gwybod i'r Cynulliad am yr holl gynigion a gaiff eu cyhoeddi gan y Comisiwn Ewropeaidd drwy restr a gaiff ei hanfon gan y Swyddfa Dramor a Chymanwlad ar ran Llywodraeth y DU at Wasanaeth Ymchwil y Cynulliad.
- Yna, bydd yr adran berthnasol o Lywodraeth y DU yn paratoi memorandwm esboniadol a fydd wedi'i seilio ar y cynigion a amlinellir yn y rhestr. Fel arfer, bydd hyn yn digwydd rhwng pedwar a chwe wythnos i'r dyddiad y ceir yr hysbysiad gwreiddiol gan y Swyddfa Dramor a Chymanwlad. Mae pob memorandwm yn cynnwys asesiad o effaith y cynigion ar bolisiâu (gan gynnwys asesiad o farn adran berthnasol Llywodraeth y DU ynghylch a yw'r cynnig yn codi unrhyw bryderon sybsidiaredd). Mae copi o bob memorandwm yn cael ei anfon at y Cynulliad drwy'r Gwasanaeth Ymchwil.
- Mae'r Gwasanaeth Ymchwil yn hidlo'r memoranda sy'n dod i law er mwyn ystyried a yw'r cynnig cysylltiedig yn 'ddeddfwriaethol' neu'n 'anneddfwriaethol' ac a ydynt yn cynnwys materion a allai fod o ddiddordeb i'r Cynulliad (h.y. materion sy'n berthnasol i faterion datganoledig).
- Bydd y memoranda hynny sy'n gysylltiedig â chynigion sy'n 'ddeddfwriaethol' ac sy'n ymdrin â materion sydd o ddiddordeb i'r Cynulliad yn cael ystyriaeth bellach gan swyddogion o Wasanaeth Cyfreithiol y Cynulliad, Swyddfa Brwsel a'r Gwasanaeth Ymchwil er mwyn penderfynu a ydynt yn codi pryderon sybsidiaredd.
- Os bydd cynnig yn codi pryderon sybsidiaredd, bydd swyddogion y Cynulliad yn rhoi gwybod ar unwaith i'r Pwyllgor Materion Cyfansoddiadol a Deddfwriaethol. Yna, gofynnir i Aelodau ystyried a ddylai'r Pwyllgor ofyn i'r naill Dŷ neu'r llall yn San Steffan, neu i'r ddau ohonynt, gyhoeddi 'barn resymedig' ar y cynnig neu beidio.
- Bydd y cynigion hynny sy'n 'ddeddfwriaethol' ac sy'n berthnasol i faterion datganoledig ond nad ydynt yn codi pryderon sybsidiaredd yn cael eu coladu mewn adroddiad monitro a gaiff ei gynhyrchu gan y Gwasanaeth Ymchwil. Mae'r adroddiad hwn yn cael ei ystyried yn bapur i'w nodi gan y Pwyllgor Materion Cyfansoddiadol a

Deddfwriaethol ym mhob tymor, fel arfer, o fewn blwyddyn yn y Cynulliad (tymor yr hydref [Medi–Rhagfyr], tymor y gwanwyn [Ionawr–Ebrill] a thymor yr haf [Mai–Awst]).

Felly, mae'r adroddiad hwn yn cynnwys trosolwg cyffredinol o'r cynigion deddfwriaethol drafft hynny a anfonwyd at Wasanaeth Ymchwil y Cynulliad rhwng 1 Ionawr 2015 a 31 Mai 2015. Mae hefyd yn cynnwys rhagor o wybodaeth am y cynigion hynny y nodwyd eu bod yn 'ddeddfwriaethol' ac yn berthnasol i faterion datganoledig y Cynulliad gan swyddogion y Cynulliad.

Fodd bynnag, noder mai cynigion 'deddfwriaethol' a gaiff eu monitro yn yr adroddiad hwn yn bennaf. Ar y cyfan, nid yw'n cynnwys manylion unrhyw 'gynigion anneddfwriaethol' a allai fod yn berthnasol i waith y Cynulliad. Mae'r rhain yn cael eu monitro ar wahân gan y Gwasanaeth Ymchwil.

3. Trosolwg o gynigion drafft yr UE a dderbyniwyd (Ionawr 2015 i Fai 2015)

Cafodd Gwasanaeth Ymchwil y Cynulliad gyfanswm o 184 o femoranda gan Lywodraeth y DU mewn perthynas â chynigion yr UE rhwng 1 Ionawr 2015 a 31 Mai 2015.

O'r rhain, roedd 23 memorandwm o ddiddordeb polisi i'r Cynulliad a chawsant eu rhannu â'r Gwasanaeth Ymchwil, a nododd swyddogion y Cynulliad fod un ohonynt yn 'ddeddfwriaethol' ac o ddiddordeb i'r Cynulliad.

Yn dilyn gwaith dadansoddi pellach gan swyddogion o Wasanaeth Cyfreithiol y Cynulliad, o Swyddfa Brwsel ac o'r Gwasanaeth Ymchwil, penderfynwyd nad oedd y cynnig yn codi pryderon sybsidiaredd.

Cynigion deddfwriaethol o dan y Comisiwn Ewropeaidd newydd

Yn gyffredinol, roedd nifer o gynigion deddfwriaethol yr UE wedi lleihau o dan y Comisiwn Ewropeaidd newydd yn dilyn yr etholiadau Ewropeaidd ym mis Mai 2014. Mae newid eithaf radical wedi bod yn ymagwedd y Comisiwn Ewropeaidd tuag at ei waith blaengynllunio; un o nifer o newidiadau a gyflwynwyd gan y Comisiwn Juncker newydd a ddaeth i rym ym mis Tachwedd 2014. Mae gan ddirprwy'r Llywydd Juncker, Is-lywydd Frans Timmermans (cyn-Weinidog Tramor yr Iseldiroedd), reolaeth dros y broses flaengynllunio ac mae'n hyrwyddwr brwd dros ymagwedd symlach tuag at bolisi a deddfu yn yr UE.

Mae Jean-Claude Juncker, Llywydd newydd y Comisiwn Ewropeaidd, wedi galw yn ei ganllawiau gwleidyddol am ffocws llawer cliriach ar gyfer ymyrraethau ar lefel yr UE, a pharch i egwyddorion sybsidiaredd a chymesuredd, gan nodi:

...I want a European Union that is bigger and more ambitious on big things, and smaller and more modest on small things...

Mae hyn yn arwain at ddeg blaenoriaeth allweddol ar gyfer camau gweithredu ar lefel yr UE dros y bum mlynedd nesaf, a dyma fydd ffocws y rhaglenni gwaith a'r gweithgareddau a gynllunnir ar gyfer y Comisiwn Ewropeaidd, gyda phwyslais ar adael i aelod-wladwriaethau (ac awdurdodau is-wladwriaethau) ymdrin â materion sydd y tu allan i'r meysydd hyn.

Caiff yr ymagwedd newydd hon ei hadlewyrchu yn rhaglen waith gyntaf Comisiwn newydd Juncker, a gyhoeddwyd ym mis Rhagfyr 2014. Mae'n cynnig 23 o fentrau deddfwriaethol newydd, sy'n newid mawr o'r blynyddoedd blaenorol lle byddai'r Comisiwn Ewropeaidd yn cyflwyno dros 100 o gynigion deddfwriaethol ar gyfartaledd. Newyddbeth arall yn rhaglen waith 2015 oedd atodiad yn cynnig rhestr o gynigion parhaus y mae'r Comisiwn Ewropeaidd yn bwriadu eu tynnu'n ôl oherwydd diffyg cynnydd yn y broses o wneud penderfyniadau, gydag anghytundeb llwyr yn y Cyngor neu rhwng y Cyngor a'r Senedd ar goflenni penodol.

Bydd y ffaith mai dim ond 23 o fentrau deddfwriaethol newydd sydd wedi'u cynnig yn (ac mae wedi) cael effaith uniongyrchol ar nifer y cynigion y bydd angen i'r Pwyllgor Materion Cyfansoddiadol a Deddfwriaethol fyfyrion arnynt mewn perthynas â phryderon sybsidiaredd.

3.1. Cynigion deddfwriaethol yr UE nad oeddent yn codi unrhyw bryderon sybsidiaredd

Dyddiad yr
anfonwyd
drwy e-bost

Teitl a disgrifiad

28/01/2015 *Cynnig ar gyfer Rheoliad Senedd Ewrop a'r Cyngor ar y **Gronfa Ewropeaidd ar gyfer Buddsoddiadau Strategol a diwygio Rheoliadau (UE) rhif 1291/2013 ac (UE) rhif 1316/2013***

Atodiad i'r Cynnig ar gyfer Rheoliad Senedd Ewrop a'r Cyngor ar y Gronfa Ewropeaidd ar gyfer Buddsoddiadau Strategol a diwygio Rheoliadau (UE) rhif 1291/2013 ac (UE) rhif 1316/2013

Ar 26 Tachwedd 2014, cyhoeddodd y Comisiwn Ewropeaidd yn ei ohebiaeth 'Gynllun Buddsoddi ar gyfer Ewrop' ('y cynllun buddsoddi'), sef menter arfaethedig ar lefel yr UE i fynd i'r afael â'r bwlch buddsoddi o ganlyniad i'r argyfwng economaidd ac ariannol.

Mae'r cynllun buddsoddi yn seiliedig ar dair cainc atgyfnerthu:

- i. creu Cronfa Ewropeaidd newydd ar gyfer Buddsoddiadau Strategol (EFSI);
- ii. prosiectau buddsoddi tryloyw ar lefel Ewrop a chreu awdurdod cynghori (Awdurdod Cynghori ar Fuddsoddiadau Ewropeaidd (EIAH)); a
- iii. mesurau i ddileu rhwystrau i fuddsoddi a chwblhau'r Farchnad Sengl.

Mae'r cynnig hwn yn creu'r fframwaith cyfreithiol angenrheidiol ar gyfer dwy gainc gyntaf y cynllun buddsoddi, sy'n caniatáu i'r Comisiwn weithredu a darparu'r cynllun buddsoddi ar y cyd â Banc Buddsoddi Ewrop.

Mewn perthynas â'r drydedd gainc, mae'r Comisiwn wedi nodi camau gweithredu yn ei raglen waith, a fabwysiadwyd ar 16 Rhagfyr 2014 (COM(2014) 910).

Eitem 4.1

Gohebiaeth gan y Comisiwn Etholiadol

Bil Refferendwm Undeb Ewropeaidd - asesu cwestiwn refferendwm

Rwy'n ysgrifennu yn dilyn cyflwyno Bil Refferendwm yr Undeb Ewropeaidd yn Nhŷ'r Cyffredin ddydd Iau 28 Mai i wahodd sylwadau ar eiriad arfaethedig cwestiwn y refferendwm sy'n gynwysedig yn y Bil. Yn unol â'r Ddeddf Pleidiau Gwleidyddol, Etholiadau a Refferenda (PPERA) mae gofyn i'r Comisiwn Etholiadol asesu a gwneud sylwadau ar eglurdeb unrhyw gwestiwn a gynhwysir mewn Bil ar gyfer refferendwm ledled y DU.

Yn ogystal ag edrych ar eiriad y cwestiwn ein hunain, byddwn yn casglu tystiolaeth i'n helpu gyda'r asesiad. Bydd hyn yn cynnwys:

- Cynnal ymchwil gyda phleidleiswyr o wahanol gefndiroedd ac o wahanol ardaloedd, trwy grwpiau ffocws a chyfweiliadau un i un.
- Gofyn am gyngor gan arbenigwyr hygyrchedd ac iaith syml
- Siarad â grwpiau ymgyrchu posibl, grwpiau eraill â diddordeb ac unigolion, gan gynnwys pleidiau gwleidyddol.

Er mwyn hysbysu ein hasesiad, rydym yn ceisio eich barn ar eiriad y cwestiwn refferendwm sydd wedi'i gynnwys yn y Bil, sydd fel a ganlyn (yn Saesneg):

“Should the United Kingdom remain a member of the European Union?”

Ac yn Gymraeg, i'w ddefnyddio ar y papur pleidleisio yng Nghymru:

“A ddylai'r Deyrnas Unedig ddal i fod yn aelod o'r Undeb Ewropeaidd?”

Rydym wedi cynhyrchu canllawiau cwestiwn refferendwm yr ydym yn ei ddefnyddio i asesu p'un a bod cwestiwn arfaethedig yn glir, syml a niwtral. Mae'r canllawiau hyn ar gael ar ein gwefan [yma](#) a byddai'n ddefnyddiol pe baech yn ystyried y cwestiwn yng nghyd-destun y canllawiau hyn wrth roi eich barn i ni.

Yn flaenorol, mae'r Comisiwn wedi asesu geiriad cwestiwn ar gyfer aelodaeth y Deyrnas Unedig o'r Undeb Ewropeaidd oedd wedi'i gynnwys mewn Bil Aelod Preifat a gyflwynwyd yn 2013. Ym mis Hydref 2013 argymhellwyd gennym y dylid newid y geiriad arfaethedig i leihau'r risg o gamddeall neu amwysedd ynghylch statws aelodaeth presennol y DU o fewn yr UE. Darparwyd dau eiriad amgen i Senedd y DU ystyried:

- Yn Gymraeg: **“A ddylai'r Deyrnas Unedig ddal i fod yn aelod o'r Undeb Ewropeaidd?”** ac yn Saesneg **“Should the United Kingdom remain a member of the European Union?”**

Yr ymatebion i'r rhain yn Gymraeg fyddai **“Dylai”** a **“Na ddylai”** ac yn Saesneg **“Yes”** a **“No”**

- Yn Gymraeg “**A ddylai'r Deyrnas Unedig bara i fod yn aelod o'r Undeb Ewropeaidd neu adael yr Undeb Ewropeaidd?**” ac yn Saesneg “**Should the United Kingdom remain a member of the European Union or leave the European Union?**”

Yr ymatebion yn Gymraeg fyddai “**para yn aelod o'r Undeb Ewropeaidd**” a “**Gadael yr Undeb Ewropeaidd**” ac yn Saesneg fyddai “**Remain a member of the European Union**” a “**Leave the European Union**”

Fodd bynnag, fe wnaethom hefyd nodi yn Hydref 2013 nad oeddem wedi gallu profi'r ail o'r ddau gwestiwn amgen hyn yn llawn yn y cyfnod a oedd ar gael i ni cyn i ni adrodd. Felly fe wnaethom ni nodi pe bai'r Senedd yn diwygio'r cwestiwn yn y Bil i gynnwys y geiriad hwn, y byddai'r Comisiwn yn ymgymryd â gwaith pellach i wirio p'un a oedd y geiriad hwn yn codi unrhyw faterion newydd o ran eglurdeb.

Fodd bynnag, yn dilyn ymchwil pellach a gynhaliwyd gennym yn gynnar yn 2014, ar ôl i'r geiriad yn y Bil gael ei newid i "Should the United Kingdom remain a member of the European Union or leave the European Union?" yn Saesneg a "A ddylai'r Deyrnas Unedig bara i fod yn aelod o'r Undeb Ewropeaidd neu adael yr Undeb Ewropeaidd?" yn Gymraeg, roeddem yn fodlon bod geiriad y cwestiwn yn glir a syml i bleidleisio, a'i fod hefyd y geiriad mwyaf niwtral o'r ystod o ddewisiadau a ystyriwyd ac a brofwyd gennym.

Mae doler i wybodaeth ynghylch ein hasesiadau ac argymhellion blaenorol ar gael ar ein gwefan [yma](#).

Rydym yn cynnal ymchwil ac ymgynghoriad pellach nawr oherwydd yr amser sydd wedi mynd heibio ers ein hymchwil a'n hasesiad blaenorol, ac er mwyn sicrhau fod gennym ddealltwriaeth glir gan ymgyrchwyr ar effaith geiriad y cwestiwn ar eu gallu i ymgyrchu dros neu yn erbyn naill ganlyniad neu'r llall. Byddem yn croesawu yn benodol unrhyw sylwadau a barn ar oblygiadau i ymgyrchwyr ddefnyddio dewisiadau amgen i “Yes” a “No” fel ymatebion yn fersiwn Saesneg geiriad y cwestiwn. Yn yr un modd byddem yn croesawu barn ar olygiadau i ymgyrchwyr o ddefnyddio “Dylai” a “Na ddylai” neu unrhyw ymatebion amgen mewn fersiwn Gymraeg o'r cwestiwn.

Os hoffech roi eich barn ar eglurdeb y cwestiwn refferendwm a gynigir, gallwch anfon e-bost atom ReferendumQuestion@electoralcommission.org.uk. Er mwyn i ni allu ystyried eich barn fel rhan o'n proses asesu, anfonwch eich barn atom heb fod yn hwyrach na **dydd Gwener 19 Mehefin 2015**.

Os byddai'n well gennych roi eich barn i ni mewn cyfarfod, cysylltwch â ni erbyn **dydd Gwener 5 Mehefin 2015**. Byddwn yn ceisio cynnal unrhyw gyfarfod heb fod yn hwyrach na 19 Mehefin 2015. **Nodwch y gall y Comisiwn ddefnyddio detholiadau gan ymatebion a enwir yn yr adroddiad ar y cwestiwn, heblaw eich bod yn rhoi gwybod i ni y dymunwch i'ch sylwadau fod yn gyfrinachol.**

Byddwn yn adrodd ein barn ar y cwestiwn i Senedd y DU a byddwn yn cyhoeddi ein canfyddiadau ar yr un pryd.

Yn gywir

A handwritten signature in black ink, appearing to read 'Scallan', with a horizontal line underneath.

Andrew Scallan
Cyfarwyddwr Gweinyddiaeth Etholiadol
Director Electoral Administration

Mae cyfyngiadau ar y ddogfen hon